

**ԳԱՐԵԳԻՆ Ա ԿԱԹՈՂԻԿՈՍԻՆ ՀԱՆՁՆՎԵՑ
ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՊԱՏՎԱՎՈՐ
ԴՈԿՏՈՐԻ ԴԻՊԼՈՄ**



Ապրիլի 27-ի՞մ Երևանի Պետական Համալսարանի Բանդիսությունների դահլիճում Ն. Ս. Օ. Տ. Տ. Գարեգին Ա Ամենայն Հայոց Կաթողիկոսին Բանձնվեց ԵՊՀ Պատվավոր Դոկտորի դիպլոմը:

Համալսարանի Ռեկտոր Ռադիկ Մարտիրոսյանը, ողջունելով Գարեգին Ա Կաթողիկոսին, ասաց, որ Երևանի Պետական Համալսարանի 76-ամյա տարեգրության մեջ այս օրը պիտի արձանագրվի որպես պատմական մեծ իրադարձություն, քանի որ առաջին անգամն է, որ կրթօջախ է ուտջ դնում Ամենայն Հայոց Կաթողիկոսը: Օրը էլ ավելի է ճշանավորվում նրանով, որ Ամենայն Հայոց Կաթողիկոսի այցելությունը Բանձնվեցում է Նորին Սրբությանը՝ ԵՊՀ Պատվավոր Դոկտորի դիպլոմի Բանձնման Բանդիսավոր արարողության հետ:

Ծարուճակելով իր խոսքը, Պրն. Մարտիրոսյանը մշեց, որ այս այցելությանը սկիզբն է դրվում Հայաստանյայց Առաքելական Ս. Եկեղեցու և Պետական Համալսարանի սերտ համագործակցության, որի արդյունքում ծնունդ կառնեն բազմաթիվ գեղեցիկ նախաձեռնություններ ու ծրագրեր:

Ավարտելով խոսքը, Ռադիկ Մարտիրոսյանը, բոլոր ծափահարությունների ուղեկցությամբ, Նորին Սրբությանը հանձնեց ԵՊՀ Պատվավոր Դոկտորի դիպլոմը:

Վեհափառ Հայրապետին ողջույնի և շնորհավորանքի ջերմ խոսքեր ուղղեցին մահ ԵՊՀ Աստվածաբանության ֆակուլտետի դեկան Ծախե արքեպս. Աճեմյանը, Մատենադարանի տնօրեն Սեմ Արևշատյանը, ԵՊՀ Բանասիրության ֆակուլտետի դեկան Գառնիկ Աճառյանը: Ուսանողության ամուսինք Նորին Սրբությանը ողջունեց Աստվածաբանության առաջին կուրսի ուսանող Լևոն Պետրոսյանը:

Ելույթներից հետո շնորհակալանքի իր խոսքն ասաց Գարեգին Ա Կաթողիկոսը: «Առավել քան 60 տարիների իմ կյանքում այս պահը ամփոխարինելի զգացումների, հուզական ու հոգեկան ապրումների բացառիկ պահ է: Իսկապես, բարձր պատիվ եմ համարում լինել Պատվավոր Դոկտորը այնպիսի մի կրթական հաստատության, ինչպիսին Երևանի Պետական Համալսարանն է: Այս անիթով իմ խորը երախտագիտությունն եմ ուզում արտահայտել Համալսարանի Գիտական Խորհրդին՝ այս բարձր կոչումին արժանանալու և այս գեղեցիկ համդիպումը կազմակերպելու կապակցությամբ», ասաց Նորին Սրբությունը:

Ծարուճակելով խոսքը, Վեհափառ Հայրապետը իր խորհրդածություններն արտահայտեց մշակույթ-կրոն հարաբերության մասին՝ ընդգծելով, որ որևէ ժողովուրդ չի կարող գոյատևել առանց հավատի և հոգևոր արժեքների, չի կարող բարգավաճել, եթե չկարողանա տարբերակել իսկական արժեքները կեղծ արժեքներից: «Ազգը չի ապրի, եթե չլինի հոգու և մարմնի ներդաշնակություն՝ մտքի ղեկավարությամբ: Եվ Համալսարանն է եղել ու կա՛մեր ազգի իսկական արժեքները պահպանող և դրանք հաջորդ սերունդներին փոխանցող կարևորագույն դարբնոցը»: Այս համդիպումով Մայր Աթոռի և Համալսարանի միջև մի մսկն կամուրջ գցվեց, իր խոսքը եզրափակելով ասաց Նորին Սրբությունը, գործուձ, բանուկ, կեանքանի և ստեղծարար կամուրջ՝ Համալսարանի և Գևորգյան Ընտանիքի միջև, որով սկիզբ կդրվի մի արդյունավետ գործակցության՝ վասն մեր ազգի ու պետության, Հայաստանյայց Առաքելական Ս. Եկեղեցու բարգավաճման:

Համդիսությունն ավարտվեց ԵՊՀ ուսանողների ջանքերով կազմակերպված համերգով:

